

高要縣志卷十八

宦績錄 漢 唐 宋 元 明



步騰

竇漢

畢某

潘夙

包拯

趙滋

周敦頤

郭祥正

鄭敦義

張宋卿

李彌遜

章元振

黃公度

盧順之

林扞

馬晞驥

高要縣志

卷十八 宦績錄

李春叟

趙必璩

張汝弼

聶輝

陳忠衛

黃德明

步從信

王瑩

陸駒

黃瑜

李璠

黃琥

張吉

傅獻策

高俊

黃容

歐陽恂

曾直

羅僑

王大用

李香

錢鐸

夏淳

趙塤

盧璘

吳桂芳

鄒光祚

蕭棟

李材

陳璘

楊棐

凌雲翼

王泮

郭應聘

吳文華

鄭一麟

朱士貴

蕭彥

陳鴻漸

陳濂

李守俊

戴燻

高要縣志

卷十八

宦績錄

二

陶夷齡

何宏仁

佟養甲

謝廷策

楊雍建

竇明遇

史樹駿

宋志益

譚桓

趙廷標

翟永昌

張至隆

石琳

景日昫

孔毓珣

張甄陶

周星聚

漢

步騭字子山臨淮淮陰人世亂避難江東孫權爲

討虜將軍召隲主記除海鹽長還辟車騎將軍東曹掾建安十五年出領鄱陽太守歲中徙交州刺史立武中郎將領武射千人便道南行明年追拜使持節征南中郎將劉表所置蒼梧太守吳巨陰懷異心外附內違隲降意懷誘請與相見因斬徇之吳書本傳遂嚴舟合兵二萬下取南海巨故將衡毅等拒戰於高要嶮口敗之舊志威聲大振士燮兄弟相率供命南土之賓自此始也吳書本傳

唐

竇漢扶風人父思亮榆林太守卒官家事日落漢

高要縣志

卷十八

宦績錄

三

業明經不第後以名家子被舉爲亳令有能聲召爲鴻臚丞改殿中丞中宗欲以安樂公主爲皇太女以問禮官漢奏曰京房易云陰當陽大不祥昔天后御龍於南面今公主駕鶴於東宮皆大亂之道也帝怒其婢直出爲忠州長史流寓成都久之聞太子重俊被僇嘆泣監司復以怨黜尋起爲端州長史厲志臨政日昃忘食竟以勞瘁卒官舊志

張九齡爲李郎中祭身竇端州文始虞命夏暴於元穹功垂刊木德叶湮洪洎帝相之難作誕少康於竇中由屯獲吉因生受封降及後代傳勛繼庸西京則嬰爲外戚東漢則融居上公愍陽城之不享始移籍于扶風源遠更清基高自峻有焯明靈藹然休聞陋巷不憂坦途方進月遠標儀霞高

論玉寧韞匱雖要處囊宜伸尙屈將集猶翔師淑
大易謙尊以光誓安老氏績少易儻爰紆銅墨是
宰濠梁必琴時奏潘樹逾芳入贊朝儀言揚事舉
圭璧蠻夷弁冕文武吐辭含韻知今博古進揖退
揚從規合矩復陶啓位殿省承榮孔門之束帶無
忝漢官之綿蕞難更君子信讒小人道長未暇
關難期稅鞅暫持符竹遠出羅網誰識卑飛因成
利往銅梁改秩錦里經時人去而琴臺壞棟文移
而石室摧基劉宏之重銘葛廟王商之更立嚴祠
隴首云歸端溪遽逐角豈觸藩臂終困木海闊天
高山深霧毒許靖他鄉有名無祿馬超正色宜歌
反哭何爲善之無憑而降災之甚速某欽惟教義
夙所依因在昔家世勤王實殷高旌大旆結駟飛
輪慶豈遺於自出榮實垂於外姻一紀已來艱凶
遘及嗟宅相以無取懼堂構之不集詎言渭水之
乖離竟絕西州之出入嗚呼哀哉違京背關古陌
荒阡松門積霽隴首停烟祖庭是日乞墅何年淚
有血而皆墮憤無膺而可填况玆剖郡符環持使
節塞遠城迴河窮路絕顧後瞻前形孤影子長號
出次重拜臨穴酒醴清濃殺羞羅列庶有鑒於斯

高要縣志

卷十八

宦績錄

四

文冀不同於虛設

畢某不知其名東平人起諸生爲滇陽令尋轉韶
州司馬秩滿丁內憂性孝幾於毀滅御史大夫蕭
璿嘉之拔補按察判官授新州刺史按察使宋璟
使戍恩州以能補刺史尋加朝散大夫遷端州刺

史

粵西
文載

張九齡畢公墓誌銘公諱某字某東平人四世祖
義雲北齊度支郎中青州刺史曾祖炎貞觀初并
州白馬府右果毅都尉右衛郎將祖父蒲州河東
合坐事左轉桂州歸義縣丞因家於始寧父誠舉
孝廉高尚不仕公卽孝廉府君之子稟靈純茂姿
性開朗亦旣志學休有令聞雖在諸生之中卽有
萬人之望矣夫其忠有世善有元仁於其親友于
兄弟豈尙行所致其因心而然公之植身根萌素

高要縣志

卷十八

官績錄

五

厚操本制未何適非宜故為政之方所從來遠矣
 某年初有御史將命黜陟幽明公時盤桓居貞未
 有攸往而使者承式固才是求褐衣見召直繩斯
 委乃表公授梧州錄事參軍非其好也先是剽劫
 在境行李所病綱佐無幾逋盜肅然歲滿授廣州
 滇陽令事必簡舉人用安便莫不咨嗟未始見也
 尋轉韶州司馬其政如初秩滿丁內憂公有至性
 幾於毀滅廬墓展哀泣血扶病有加一等不惟三
 年嶺南按察使廣州都督兼御史大夫蕭瑛孝悌
 之士也以錫類之故有嘉德音於是拔補按察判
 官義行相成終始如一尤加欽重特以表開勅授
 新州刺史屬恩州酋帥日尋干戈將有式遏實資
 明允後按察使廣平郡公宋璟以公為五府總管
 以甲卒成焉雖臨之兵威而開以恩信俾忿鷙狼
 冥化梟為仁廣平公深以為能奏假恩州刺史俄
 又真授夷落大寧尋加朝散大夫遷端州刺史居
 必致理莫匪嘉績屏藩之寄朝選以歸於是加秩
 中散大夫拜安南副都護到官未幾聞忽遷殂時
 年六十某年月日庚子歸葬于某山之原公內行
 無玷外物不干文非務華學皆為己所蒞數郡遺
 愛在人全己而歸可謂厚矣有子曰某銜恤終天
 愴哀遠日永惟稱代存乎幽篆銘曰猗歟畢侯瘞
 源長流受氏於畢爰自有周彼美世載實惟孫謀
 賢哲繼軌斯其遠猷嗟彼懿宗是生孝友知實內
 積行非外誘家邦必聞人倫歸厚微此合德夫豈
 善守亦既從政厥聞載榮邑能訟息郡用禮成蠻
 夷慕教鴟梟變聲九真副領萬里揚旌護彼絕域
 義忘險艱緹律未改丹旄而還存沒之際忠孝之
 關徽音無泯篆德茲山

宋

潘夙字伯恭大名人武惠公美從孫天聖中上書

論時政見用後知韶州擢江西轉運判官坐事謫

監隨州酒稅起知光化軍大臣以將帥才舉之改

端州刺史召對訪交廣事稱旨遷司封郎中

舊志

包拯字希仁合肥人始舉進士除大理評事出知建昌縣以父母老辭不就得監和州稅父母又不欲行拯卽解官歸養後數年親繼亡拯廬墓終喪猶徘徊不忍去里中父老數來勸勉久之赴調知天長縣

宋史本傳

康定元年

黃瑜請祀疏

徙知端州遷殿中

丞端土產硯前守緣貢悉取數十倍以遺權貴拯命製者才足貢數歲滿不持一硯歸尋拜監察御史裏行改監察御史

宋史本傳

趙滋字子深開封人父士隆天聖中以閣門祇候爲邠寧環慶路都監戰沒錄滋三班奉職累遷西

高要縣志

卷十八

宦績錄

六

上閣門副使歷知安肅軍保州滋強力精悍有吏能所在稱治會契丹民數違約乘小舟漁界河中後又遣大舟自海口運鹽入界河朝廷患之以滋可任徙知雄州以能擢龍神衛四廂都指揮使嘉州團練使遷天武捧日四廂都指揮使英宗卽位領端州防禦使步軍都虞侯賜白金五百兩畱再任

宋史本傳

周敦頤字茂叔營道人元名敦實避英宗舊諱改焉以任爲分寧主簿歷合州判官事不經手吏不敢決雖下之民不肯從通判虔州熙寧初知郴州

用趙

刑獄

險遠

杜萬

買硯

郭祥

梅堯

岡縣

州後

宜賦

高要縣志

舊志復

鄭敦

州興

義始

張宋

一覽

正字

浚薦

舉未

李彌

起居郎以封事

職論事鯁切如

廷爭檜雖不從

宰相就館受書

以徽猷閣直學

案彌滋

表及府

互異此

章元振嘉興人

東路提學與春

高要縣志

卷十

檜

黃公度字師善

秘書正字坐御史

肇慶府攝南因

廣東小郡有十

弛民受其弊言

員外郎

盧順之海陽人

軍節度推官以

奉猶勝十年什

林扞字廷植晉江人紹興十八年授初扞遊太學與林孝澤友善至東路提舉市舶行部不入官舍而謂孝澤曰公宜他徙毋重困我因一束皆未啟緘孝澤發守書予以金詣扞謝扞曰壘鹽一第猶恐不薄也守慚退遷南恩州僉判卒於馬啼驥新會人父持國舊志判欽州通志祠郝氏啼驥淳熙七年進士通判視獻者啼驥謝曰此非暮夜金但

高要縣志

卷十八

宦績錄

冰自勵何敢以長物汗家聲耶肅李春叟字子先東莞人以薦授車提刑楊允恭奏除肇慶司理嘗辦卽投告身於庫請歸事竟得白改趙必瑒字玉淵太宗十世孫居於與父崇誦同登進士初任縣尉攝文天祥開府惠州辟攝惠州軍事温塘村終身不仕四庫全書提要

元

張汝弼字明之真定人元貞間官

巡肇慶路直旱饑貸米二千石以賑請免糧六千二百石大德元年而聶輝繼爲僉事

聶輝字光甫平定人肇慶大水田廬淪沒輝按部請減糧七千七百石郡人歌曰前有張父後有聶母

陳忠衛陽山人官縣尹有異政民立祠以祀惜其政績不能盡攷錄焉

明

黃德明字本初河中人洪武元年以江西行省郎中攝肇慶府時庶務草創德明築城浚池百廢具

高要縣志

卷十八

宦績錄

十

舉以才稱

步從信洪武二年肇慶知府府學自元季燬於兵從信首訪舊址建復凡社稷山川厲壇以次創建規畫有度郡治爲之改觀

王營鄭縣人宣德六年自刑科給事中出爲肇慶知府縣民李伯從爲讐家誣以不孝繼母母卒獄久不決營至立訊其非釋之城西失火延燒民居營籲天而火隨滅嘗增修水利興學校人頌之不

衰

陸駒吳縣人由鄉舉任知縣才識明敏長於應變

海寇黃蕭養之亂百費皆給而不擾於民

俱舊志

黃瑜字仲美臨桂人正統九年舉人官交州知府

遭喪歸

廣西通志

天順七年

舊志

巡撫葉盛奏調肇慶

廣西

通志時蒼梧鎮未建西賊流劫而東屢至府城瑜先

事設備屬縣城池並悉力修浚境內獲安

舊志

化所

屬諸蠻聽詣郡自首服請祀包孝肅以風後進著

為令都御史韓雍嘉其治行奏請加秩以參政掌

府事先後歷十五年得民最深

廣西通志

李遂天台人進士成化十四年任肇慶知府常督

儒生講學躬行畎畝勞民勸耕申免太監進取異

高要縣志

卷十八

宦績錄

十一

禽民盡稱便竟以剛介獲謗罷

黃琥字瑩之豐城人舉人宏治元年為肇慶知府

府隍舊有魚利緡錢三百以供守土中貴隍實無

魚錢則歲辦於民琥至罷之明年引疾解職民爭

走當道乞留不得去在任積備荒粟萬餘石捍潮

築隄二百里以德慶瀧水功擢廣東參政

俱舊志

張吉字克修餘干人成化十七年進士除工部營

繕司主事疏劾左道李孜省妖僧繼曉貶景東通

判孝廟初轉肇慶同知郡當蒼梧下流頻年苦澇

吉相其地曰是可以隄同列不以為然吉獨身任

之發民就役不令而集當水暴漲則乘小舟往視
衆莫測其至夜雨不止憂形於色坐以待旦歷三
載而後成復爲竇以殺衝決之勢國史獻隄跨高
要四會南海三縣沮洳平行數千頃盡爲沃壤民
號爲張公隄嘉靖中潦水屢溢民賴隄扞益思其
惠於寶查都立祠祀之舊志在郡日都御史秦紘爲
總兵柳景所誣逮詔獄吉上疏代辨紘卒得白人
服其見義之勇郝氏通志

傅獻策馬平人宏治間肇慶通判進同知郡人以
其廉稱傅齋公後勘權貴子弟不屈法罷官

高要縣志

卷十八

宦績錄

十一

高俊字士偉莆田人舉人宏治六年爲肇慶府學
教授日與諸生論說經義勉以爲己之學雖隆冬

盛暑不輟諸生有餽輒固卻曰吾職尙慮未稱何
以此爲其貧者更分俸周之遷衢州推官卒俱舊志

黃容字伯望莆田人進士授戶部主事轉郎中宏

治十七年出爲肇慶知府鎮守太監索濠塘蕉布
銀容力革之舊志容機神開朗析疑難一言而定爲

治務廉平恤孤斃抑豪右時廣盜幾遍而肇慶尤
盜區獻計者欲屠之容曰吾玉石分之何可枉也

鎮巡屢最其績擢廣東左參政國史獻
徵錄

歐陽恂字誠之安福人進士正德九年自南京吏部郎中任肇慶知府鄉賢之嗣弗振者躬造其門訓諭之有頑民健訟梗化恂慨然曰此非吾民也欲解綬去頑者咸感悟歲大旱出宿撤蓋降服徒步率吏民拜禱於道次日雨降人大悅推官楊某卒於官恂歛殯歸其喪丁內艱去

曾直字叔溫吉水人宏治十五年進士官刑部郎

中忤闖去國史獻徵錄正德十六年舊志用薦起肇慶知

府在郡六年政尙威廉督府數問以撫猺之策直上數十萬言多見采用大指謂非用圍戍法自守

高要縣志

卷十八

宦績錄

十三

互市法相詰猺不可撫嘗憤兵衛縱賊自利至忤上下幾不免其疆立不變如此國史獻徵錄創周濂溪

祠於城東又建忠節祠祀唐宋寓公張柬之以下

八人羅僑爲之記舊志

羅僑字維升吉水人宏治十二年進士除新會知縣有惠愛正德初入爲大理評事五年四月京師旱霾僑上疏請弭天變收人心輿觀待命劉瑾大怒以大學士李東陽力救得改原籍教職其秋瑾敗召復官引病去世宗卽位卽家授台州知府嘉靖三年擢廣東左參政辭部牒敦趣不得已之官

明史本傳時嶺西猺賊猖獗僑開示禍福招下猺目梁

烏皮三百餘家陽江賊嚴阮寇陽春與兵備副使

王大用會擊於龐洞斬獲甚眾先是分守皆假寓

會城待遷僑雖瘴鄉僻邑按歷必遍親詢民隱舊志

尋乞休總督張嶺巡按熊蘭疏留之僑復疏辭乃

得請王大用字時行興化人官廣東按察僉事兵

備清遠五載征剿無虛日凡所斬獲至萬餘正德

十六年遷副使國史獻徵錄嘗愛高要山川之勝欣然

卜居置莊北郭外與前都御史李璋往還舊志擢江

西左參政國史獻徵錄

高要縣志 卷十八 宦績錄 十四

案王大用郝氏通志作儀徵人舊志及府

志作莆田人

李香字汝蘭分宜人進士嘉靖間擢高肇兵備僉

事直境內多故修城池繕營堡訓練士卒四會賊

起官軍禦之不克香親督兵入潭圍梅崗執其渠

還招新興新會陽江猺獠二千餘人復業舊志又計

掃大臺尖底兩岡五載之間奇績甚多以母喪去

國史獻徵錄

錢鐸字振之江南通州人正德十六年進士嘉靖

初官刑部主事以諫大禮廷杖瀕死七年自員外

郎署郎中出爲肇慶知府黃泰泉集視府縣學傾圮力

言於巡按御史吳麟并遷於城外舊址舊志賑窮乏

汰冗費凡所興革皆便民御史薦於朝以外艱去

黃泰泉集

案黃佐撰鐸墓誌記遷學事云郡邑學校

郊外荒墾不利賓興從諸生所請并遷入

城通志引此與舊志建置篇不合

夏淳字惟初餘姚人領鄉舉從王守仁遊嘉靖十

八年授肇慶通判督糧儲先是積弊斗級有斛面

該徵有年例轄衙數以羊鹿鵝鴨發倉參養擾費

高要縣志

卷十八

宦績錄

十五

滋甚淳悉革之旬月儲務畢舉奉檄赴南雄權商

豪髮不入私橐遷思明同知卒喪過肇慶民聚哭

之

趙垣字平仲餘姚人嘉靖間進士歷刑部郎中謫

官稍遷肇慶同知孤立狷介人號趙鐵面在署命

家僮植蔬自給聽訟明決胥吏拱手而已時征封

川麒麟白馬二山轉饟數百人部兵者欲掩殺爲

功垣董饟知其謀力衛脫之遷廣西僉事廣東參

議萬厯間祀名宦

盧璘字秀夫餘姚人進士嘉靖三十五年任肇慶

知府府志久缺璘爲創修時督府征四會大羅山移鎮郡城璘殫思贊畫節抑浮費轉饒不匱立廣

寧縣議自璘始遷福建運使俱舊志

吳桂芳字子實新建人嘉靖二十三年進士明史本傳

三十六年以參政分守嶺西先是藩臬分司皆居

會城以時行部而已桂芳至關公廨挈家居之舊志

累遷右副都御史總河道未任兩廣總督張臬以

非軍旅才被劾罷部議罷總督改桂芳兵部右侍

郎兼右僉都御史提督兩廣軍務兼理巡撫明史本傳

四十三年開府肇慶舊志羣盜河源李亞元程鄉葉

高要縣志

卷十八

宦績錄

十六

丹樓連歲爲患潮州舊倭屯據鄒塘桂芳先討倭

焚其三巢會新倭寇福建者爲戚繼光所敗流入

境急擊之殄於海上進討亞元丹樓平之降賊王

西僑吳平已撫復叛禽西僑平奔安南殲於萬橋

山下平黨林道乾復窺南澳乃設兵柘林戍之明

本傳而柘林兵喇撻大總管者一夕叛環海轉掠省

城悉以計禽戮時與倭持兵猶未解也旣乃決議

築廣州外城國史獻徵錄在鎮五年舊志諸逋逃稔惡皆

談笑蕩定通羅旁江道蠻不敢出國史獻徵錄召爲南

京兵部右侍郎明史本傳桂芳爲參政時愛養人材擇

士館穀於崧臺書院躬自督課及開府軍務之暇輒進諸生講學官屬咸在旣去郡人立祠事之舊志案獻徵錄云居廣三載以原官召佐部議時丁卯歲秋九月也丁卯爲隆慶元年則桂芳當以嘉靖四十四年開府而明史世宗紀官軍討潮州倭在四十三年三月則舊志是也

鄒光祚字承卿鄱陽人進士嘉靖四十一年自郎中出爲肇慶知府始至修文廟祭器擇郡中子弟教以樂歌祭日禮儀備整琴瑟叶奏父老來觀者

高要縣志

卷十八

宦績錄

十七

以爲未嘗有也舊志江道兵諫河濱郡中浙福兵鼓

衆叛露刃入公署皆挺身撫定羣姦藉巨璫壟斷

築塞宋崇關上官業許之光祚不可且刻石爲厲

禁五年遷雲南副使有生祠曰孚德胡庭蘭字德祠記

蕭棟宣化人由鄉舉任知縣廉察有惠愛創遷縣

治民不知後未幾以憂去人謂高要二百年來賢

令棟爲之最舊志

李材字孟誠豐城人舉嘉靖四十一年進士授刑

部主事素從鄒守益講學自以學未成乞假歸訪

唐樞王畿錢德洪與問難隆慶初還朝明史本傳五年

舊志由兵部郎中遷廣東僉事羅旁賊猖獗材襲破之周高山設志以守賊有二巢在新會境調副總兵梁守愚由恩平遊擊王瑞由德慶入身出肇慶中道夜半斬賊五百級燬廬舍千餘空其地募人田之亡何倭陷電白大掠去材追破之石城設伏於海口俟其遁殲之奪還婦女三千餘會姦人引倭自黃山間道潰而東材返故道迎擊盡殺之又追襲雷州倭至英利皆遁去降賊渠許恩於陽江錄功進副使明史本傳材好講學所至輒聚生徒闢書院而端溪書院在郡中總督殷正茂落其榜遂拂

高要縣志

卷十八

宦績錄

十八

衣去舊志學者稱見羅先生明史本傳

案明史本傳云張居正柄國不悅材遂引疾去

陳璘字朝爵翁源人嘉靖末爲指揮僉事從討英德賊有功進廣東守備與平大盜賴元爵及嶺東殘寇萬厯初討平高要賊鄧勝龍又平揭陽賊及山賊鍾月泉屢進署指揮僉事僉書廣東都司官軍攻諸良寶副將李成立戰敗總督殷正茂請假璘參將自將一軍賊平授肇慶遊擊將軍明史本傳楊棐建安人進士萬厯二年任肇慶知府羅旁之

役督府諭高要市馬百縣任之矣裴曰高州乃有善馬馬必三四十金高要安得金三四千而令市馬百乎卒減十之九縣民轉饒約至山裴曰至山萬一兵無所獲則爲馘必此輩也戒至河反令士卒自負之省冗費八千畫十餘策未行而卒時四年八月也士民哀痛瞽者亦望府門而哭喪歸奔送爲罷市

舊志

凌雲翼字洋山太倉人嘉靖二十六年進士萬曆三年以兵部左侍郎兼右僉都御史提督兩廣軍務代殷正茂明年征羅旁徭羅旁自成化中韓雍

高要縣志

卷十八

宦績錄

十九

經畧西山頗安輯惟東山徭阻深箐剽掠有司歲發卒戍守正茂方建議大征會遷去雲翼乃大集兵令兩廣總兵張元勳李錫將之四閱月克巢五百六十俘斬招降四萬二千八百餘人岑溪六十三山七山那留連城諸鄰境徭獞皆懼賊首潘積善求撫雲翼奏設官戍之論功加右都御史兼兵部侍郎賜飛魚服乃改瀧水縣爲羅定州

明史析本傳

德慶高要新興封川地立東安西寧二縣數縣民始得有其妻子田宅召爲南京工部尙書郡中立

祠祀之

舊志

王泮字宗魯山陰人萬曆二年進士八年任肇慶知府十二年擢按察副使分巡嶺西數爲民興利導瀝水由城東石頂洩潦入江通北港入高明倉步水大治肇慶陽江學宮爲陽春置學田泮性恬淡自奉如寒士與民接未嘗疾言遽色然端慤有執雖門生故交無所私參畫幕府機事悉中窾要吳文華所征討皆與其勞十六年遷湖廣參政高要高明各建祠事之舊志

郭應聘字君賓莆田人嘉靖二十九年進士兩爲

廣西巡撫明史本傳萬曆十一年舊志進右都御史兼兵

高要縣志

卷十八

宦績錄

二十

部右侍郎總督兩廣軍務明史本傳先是東山營卒亂

聞應聘至爭丐降應聘戮其元凶他釋不問陳經邦撰

墓志前總督多受將吏金應聘悉謝絕明史本傳憫兩粵

疲供億汰贖門冗役悉蠲津澳諸稅以利民墓誌踰

年召掌南京都察院以吳文華代明史本傳

吳文華字子彬連江人嘉靖三十五年進士明史本傳

聘萬曆十二年舊志總督兩廣軍務巡撫廣東會廣

西巡撫吳善總兵呼良朋討平嚴秀珠岑岡賊李

珍江月照拒命久文華購禽月照平珍明史本傳十

四年移鎮廣州平珠池盜先一年東營悍卒以罪

被執遂大譟挾主將抗有司後事雖寢文華曰此
廣州心腹之疾也激之則生亂吾當密除之乃調
操於肇慶防汎於南頭以分其勢比閱操廣州潛
得首惡數人以犯令戮之郝氏通志尋入爲南京工部
尙書明史郭文華廉潔嚴重在鎮三年文武將吏
無敢載金帛至者南門之征有山稅又有物稅節
次減之舊志幕府經用自軍市租及常賦以奉戢士
其他權稅夷舶所入有司不敢問文華悉歸諸官
又以其贏代保昌浮糧八十石粵西文載肇慶大水蕩
民廬產文華乘城嗟望計畫生養請減來年田租

高要縣志

卷十八

宦績錄

三十一

旣擢去民思之祠於學宮之左郝氏通志

鄭一麟山陰人萬曆五年進士十二年由兵部郎

授肇慶知府十四年大水一麟露次步禱與通判

朱士貴賑饑拯溺晝夜勞瘁又分遣僚屬撫卹鄉

落所全活以萬計水退補築諸决隄親視版鋪舊志

遣遂正籍墊沒貫其租葉春及平世急民詩序秩滿遷去朱

士貴餘姚人舉人以通判署縣事以誠長者處官

後考績入京返至峽口卒舊志

蕭彥字思學涇縣人隆慶五年進士明史萬曆十

九年郝氏通志以兵部右侍郎總制兩廣軍務日本躡

朝鮮會暹羅入貢其使請勤王尙書石星因令發兵搗日本彥言暹羅處極西去日本萬里安能飛越大海請罷其議星執不從旣而暹羅兵卒不出明史本傳彥以民困請蠲賦而獻梧州稅六千以資國計又嘗捐俸二千改建縣學鄭氏通志召拜戶部右侍郎尋卒明史本傳

案郝氏通志云卒於官不言戶部侍郎

陳鴻漸字雲遠長樂人由鄉舉任廣州同知九載始遷肇慶知府清操自勵俸入外一無所染先是郡守多闕佐貳權攝皆厚奉其上及鴻漸至漠然

高要縣志

卷十八

宦績錄

三

部臺監司皆缺望而屬縣多縱恣不率鴻漸嘆曰吾起家孝廉無所援而守大郡於分侈矣不獲於上不信於下戀此何爲遂引疾去舊志

陳濂字道源惠安人萬曆十四年進士二十七年自郎中除肇慶知府舊志郡故有二權廠牙驢哨守

姦至不可名濂爲裁革刊定行旅稱便官中百用取辦市肆常不得給半直濂申禁使平易比市價黠猾舞文憑城社爲患者皆摘發抵罪驅集秩滿遷兵備副使復治肇慶舊志濂專意學校問業者戶外履常滿諸生爲營鐸陽書院都講授焉驅集

李守俊宜興人萬曆二十九年進士授知縣悃愾不嫻儀節初至嘗倒執手板郡守笑而教之居朞年縣以大治治績爲嶺表最秩滿轉南部郎舊志戴燿長泰人進士萬曆四十年任肇慶知府兄弟相繼宦嶺表兄燿總督兩廣燦嶺東參議引避調去及燿去燿始至比歲大水賑饑卹災全活甚衆修隄防以闕後患舊志燿少慕宋包拯爲人至郡修其祠宇復購拯奏議梓於郡齋羅陽集遷海南副使擢廣東右布政使卒於官橐無羨貲毀金帶爲歛肇慶人建清風堂於孝肅祠後歲時禱祀舊志

高要縣志

卷十八

宦績錄

二十三

陶奭齡會稽人祭酒望齡弟奭齡少俊穎與齊名以鄉舉謁選得肇慶推官所平反案牘如山一覽輒中微隱老胥黠隸不敢輒索庭下一錢兄弟悉精內典奭齡尤多方外交嘗謂作官須得禪意轉

濟寧知州舊志

何宏仁字仲淵山陰人受業劉宗周門崇禎十年成進士授建平知縣歲久旱江以南飛蝗食禾殆盡獨無入建平界者未幾以憂去蝗遽入北鄉民以爲神補高要端溪受黔桂諸流夏潦屢爲災宏仁躬巡圩隄增卑培薄清權關之假手吏胥者掣

視有定期又以父艱去鼎革後至剡之白峰投崖
下不得死入陶介山爲僧姜西溟集

國朝

佟養甲字陸海奉天人從

龍世閔隨貝勒克福建授兩廣總督

命定兩廣順治三年與提督李成棟統師入潮州潮人迎
附羣盜分據諸縣各數萬並歸順由惠入廣撫循
難民以次削平山寇招徠新附順德人余龍等圍
廣州敗走之七月故指揮楊可觀等欲以城應賊
養甲斬以徇俘其黨三千餘人時粵土初平諸司

高要縣志

卷十八

宦績錄

十四

未及銓授養甲妙選廉幹執法不寬假五年饑捐
金平糶全活甚衆是年成棟以肇慶叛脅養甲不
從死之康熙二十三年祀名宦

謝廷策字仲若浙江人貢生任知縣順治七年冬
歸正之初民未安堵而軍需方急廷策勞來撫集
設法勸諭催科得不擾甫數月卒於官俱郝氏通志

楊雍建字自西海寧人順治十二年進士授知縣
縣當廣右之衝師行絡繹羽書一至徵民夫累百
鞭箠狼藉夫遇點册逃避吏胥繫之若牽羊犬納
廨宇隙地凍餒者多雍建至日民夫亦入子何忍

使露宿命徒廬廡下徹酒饌給之夫泥首謝有泣
下者平南靖南兩藩王兼鎮南海鹽穀絲麻輸官
價百倍又遣其掾采硯矜羊峽日役黃岡村夫匠
無算篝火入巖穴有失氣死者雍正力減浮費掾
以硯奉却不受師中索榕樹條爲縉繩以然礮火
風雨不熄有把總持軍符下縣徵解語不遜雍正
坐而撻之泣告其帥帥愬之總督王國光國光曰
書生彊項廉吏方剛是不可犯乃杖把總薦雍正
於

朝治縣甫一載就徵

高要縣志

卷十八

宦績錄

五

世祖章皇帝召試者再授兵科給事中陳廣東八害大指

謂委署太濫雜派太煩里役無定例用夫無限數
鹽埠日橫私稅日盈砍柴采木日肆流毒皆切中
時弊且云以做劫之粵民任兩藩王之公務爲力
不支今川貴底定合移一王坐鎮其地此盈廷不
敢置議者旣而靖南移藩福建人咸謂雍正啟沃
上協

天衷云

曝書亭集

竇明遇字亨吾沁水人順治中爲廣東中軍遊擊
時羣盜抄掠郡縣明遇提精兵五百閱二年盡計

平之尋協守肇慶甫入城賊兵四合明遇迎戰大破之調剿羅定州賊連破二十餘寨賊又驅眾數萬屯城下死鬪明遇力屈自經

詔贈英烈將軍

大清一統志

史樹駿武進人進士康熙八年任肇慶知府府志茲

民乘亂誣搆良善樹駿察其寃皆立省釋郡有巨

猾煽誘閭里樹駿曰不去此不足以活一郡人也

密捕得置之法通志期年有神君之頌前朝府志鼎

革後蕩然無存樹駿購求數載始得舊本考正舛

誤成書三十二卷五十八年知府宋志益重修之

高要縣志

卷十八

宦績錄

三

志益長洲人誅封川盜朱天相人賴以安府志

譚桓景陵人由鄉舉任知縣有賢聲德慶民羣請

借攝康熙十一年署德慶事逃民襁負來歸者甚

衆舊志桓所輯府志

趙廷標字叔文錢塘人順治三年以諸生從軍康

熙十年任廣肇南韶道八排諸寇聞其至立解散

連州寇起亦就撫浙江通志明年剿新會寇於新興殲

之府志肇慶舊有分巡使者柴薪錢吏籍以獻廷

標屏不受頒民之斃弱無告者以憂去祀名宦郝氏

通志

翟永昌山西人由將材授開建城守備康熙十五年西賊圍肇慶永昌至大逕猝與賊遇率先摧鋒矢盡被害

詔贈都司僉書蔭子給祭葬

張至隆鑲紅旗人康熙三十二年任肇慶知府歲三四月西流暴漲至隆駕小舟於硯沙羚峽間晝夜督視隄牖躬先負土郡境自新橋以上人烟寥落舟人以胡蔓毒藥爲香燃之客皆迷惘遂舣篋去不可跡名夢香船至隆捕得悉投大江中其患始息黃江厰稅吏橫索裁以法商民立碑記焉祀

高要縣志

卷十八

宦績錄

二十七

名宦

石琳字瑯公滿洲正白旗人父爲開國元勳封忠勇伯康熙三十二年琳總督兩廣三十五年廣東饑乞糴於西西人遏糴琳爲通融法以濟復解俸散給糜粥瀧江羚羊峽暴水潰隄琳朝服立隄上刑馬沉玉水卽退四十一年會剿八排猺提師萬山中以勞瘁得疾猺人平復輿疾會讞廣州

聖祖仁皇帝遣使者齎藥存問琳拜

恩泣不能起登舟返數日卒

聖祖遣官致祭琳在粵十四年定賦役圖甲草私稅禁鬻

女善政在人者多民相與肖其貌祀之俱郝氏通志

景日昉字東暘峽山題名登封人進士授知縣府志以

縣為總督駐節地役煩費重條議上幕府言比年

以來水旱洊至天時絀於上人事窘於下高要百

姓疲敝已極而郵遞之往來兵馬之調發牙門役

食之月需修造工料之歲備皆偏責一邑成例相

沿不容稍緩物力有限叠剝無窮竭盡脂膏何以

善後如軍公所不可缺則請均其事於屬縣又陳

弭盜策畧謂豪族之盜外人不敢言小族之盜親

人不敢舉法令益密牽制益多則盜轉得軼於成

高要縣志

卷十八

宦績錄

三

法之外故除盜之法必先便民若民所不便雖日

行保甲不過稽門籍應故事求其豪髮小補不可

得崧臺學製書治縣七年內召去嘗自輯公牒文告讞

牘之語為崧臺學製書百餘年來兒童走卒無不

知景侯者而尤傳其景福圍事景福圍者護城隄

也城東數里江中相傳為飛鷺潭有物能為祟康

熙四十年五月大水隄裂四十餘丈隄內皆湖澤

不可遏日昉奔救誓江神願以身代民命採訪冊萬

衆號泣版鋪隄竟不潰至夜乃下決於黃江壞廬

舍二萬一千六百淹田七千九百四十頃日昉載

米往賑活男女二萬六千七百有奇水退發山石八百餘艘四閱月而隄成建厚載祠於上以厭水怪圍故名躍龍日畛以七星巖有李邕書景福大字與己姓合因易焉日畛厚載祠記既去民立嵩厓書院於祠右歲時尸祝之採訪冊

孔毓珣至聖六十七代孫歷官廣西巡撫雍正二年授廣西總督踰年總兩廣進秩兵部尙書毓珣練達機務綜覈全粵山海形便易置兵防營制詳審精密以肇慶惠州爲督臣提臣駐節之所統計各鎮協營非儲穀二萬八千七百餘石不給加以建倉運費須一萬六千餘金疏言臣署有無礙銀協此數願以

皇上之賜贍

皇上之兵

高要縣志 卷十八 宦績錄 二五
詔報許之四年秋廣惠肇慶十一縣被水毓珣奏廣西桂梧南柳四府鬱賓兩州貯穀頗多平糶外猶足協濟請先運三十萬石至廣東以四萬石貯肇慶以二十六萬石貯廣州

詔報可廣東米價遂平六年冬

命割廣西一省屬雲貴毓珣益得專力廣東明年遷河道

總督卒於官郝氏通志

張甄陶字希周閩縣人總角卽潛心經義九易寒

暑時有國士之目乾隆元年福建巡撫盧倬以博

學鴻詞薦不遇詞科十年成進士淡墨自編修改

知縣忠雅堂集十九年大水躍龍竇且裂甄陶據胡床

坐最險處督役役不敢懈走泥雨中兩日夜隄卒

完水退方議修築遽調去採訪甄陶關心世務著

書儼明呂坤名曰學實政錄忠雅堂集詞科同徵諸人

新建劉斯組仁和沈廷芳鄞縣全祖望先後主講

端溪書院皆極壇坫之盛而祖望與甄陶同時相

高要縣志 卷十八 官績錄 三

與提倡道藝復相繼去皆僅暮月云採訪

案淡墨錄作福清人

周星聚字以德三水人醇正風雅行與文稱乾隆

己卯舉於鄉初任東安教諭羅定人士多負笈從

之文風一變銓授湖北穀城令自謂乏民社才改

補高要教諭以誘掖獎勸得士心廣肇諸郡學者

聞風至門弟子之盛時罕其匹卒於官欽州馮敏

昌銘其墓通志